



Publicaziuns officialas dils 09-04-2021

Damondas da baghegiar

Nr. 31/2021

Datum da publicaziun: 09-04-2021
Patrun: Degonda Andriu e Livers Sereina, 7172 Rabius
Liug e parcelas: Rabius-Cavivens; 160
Object: construcziun d'in parcadi, dil plantiu en garascha, adattaziuns vid il mir davart vest dalla casa, nova scala per access en curtin, sanaziun dil balcon

Nr. 34/2021

Datum da publicaziun: 09-04-2021
Patrun: Huonder Giordana e Gion, 8919 Rottenschwil
Representant: spacial design GmbH, Trun
Liug e parcelas: Cumpadials-Platta; 144
Object: sanaziun casa e novs balcon

Nr. 36/2021

Datum da publicaziun: 09-04-2021
Patrun: Felber Vladan, 7172 Rabius
Liug e parcelas: Rabius-Cavivens; 5225
Object: construcziun d'in mir el curtin

Nr. 37/2021

Datum da publicaziun: 09-04-2021
Patrun: Felber Vladan, 7172 Rabius
Liug e parcelas: Rabius-Cavivens; 5226
Object: slargiar e remplazzar porta dalla garascha

Nr. 38/2021

Datum da publicaziun: 09-04-2021
Patrun: Degonda Placi ed Anita, 7176 Cumpadials
Liug e parcelas: Cumpadials-Curschellas; 4729
Object: remplazzar porta dalla garascha

Nr. 39/2021

Datum da publicaziun: 09-04-2021
Patrun: Deflorin-Tuor Ida, 7175 Sumvitg
Liug e parcelas: Cumpadials-Plaun Grond; 6700
Representant: Herger Hans, 7175 Sumvitg
Object: sanaziun ed engrondaziun tegia da mises

Nr. 40.1/2021

Datum da publicaziun: midada da project
09-04-2021
Patrun: Boone Arjen e Justine, 4312 Magden
Hibbert Alister e Sharon, Sevenoaks TN13 1PR
Representant: Tarcisi Maissen SA, 7166 Trun
Liug e parcelas: Clavadi; 2675
Object: construcziun d'in bogn aviert

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 09-04-2021

Cumissiun da baghegiar

Protocol dalla radunonza communal dils 25-03-2021

Naven dils 09-04-2021 ei il protocol dalla radunonza communal dils 25-03-2021 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnaucas dil cantun Grischun vegnir inoltradas duront quei temps d'exposiziun tier la suprastonza communal.

Sumvitg, 09-04-2021

Administraziun communal

Cartas dil di

La vischnaunca da Sumvitg porscha per mintga di calendaric duas cartas dil di dalla VFF 2. classa.

Reservaziuns san vegnir fatgas per telefon, al spurtegl ni online sin la pagina d'internet. Las cartas dil di san vegnir empustadas online maximal 3 meins avon il di da reservaziun. Las cartas san vegnir retratgas al spurtegl dalla vischnaunca Sumvitg. Encunter ina taxa da frs. 5.-- saveis Vus schar tarmetter la carta dil di cun posta.

La carta dil di cuosta frs. 45.--. Igl import ei da pagar tier la retratga dalla carta al spurtegl. Tier spediziun cun posta ei la summa da frs. 45.-- plus frs. 5.-- spesas e porto da pagar cun il cedel da pagament aschuntau.

Cartas dil di ch'ei aunc disponiblas san vegnir empustadas naven dallas 8:00 uras il di avon il datum valeivel da viagiare per il prezi reduciu da frs. 20.--. Croda il di da viagiare sin ina sonda, dumengia ni gliendisdis sa la carta vegnir empustada e retratga naven dil venderdis endamaun allas 8.00 uras. La carta cul prezi reduciu sa denton mo vegnir retratga e pagada directamein al spurtegl dalla canzlia communal.

Sclariment dat bugen l'administraziun communal Sumvitg, Via Quadras Su 10, 7175 Sumvitg, Telefon 081 920 25 00 ni info@sumvitg.ch.

Sumvitg, 09-04-2021

Administraziun communal

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 30 d'avrel 2021 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic) Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regiunala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electricesch cun e senza ieli e.a.v.),
- mobiliar movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ein pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzera da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ein pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzera da rodas, aissa-rulletta e.a.v.),
- blachas da ballas da silo (verdadas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras las scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Club da tennis Trun

Il club da tennis organisescha era uonn:

Cuors da tennis per affons e giuvenils

Annadas 2010–2014 Entschatta: mesjamna, ils 28 d'avrel, dallas 17.00–18.00

Annadas 2009 e pli vegls Entschatta: mesjamna, ils 28 d'avrel, dallas 18.00–19.00

Dapli informaziuns e s'annunziar tier nies cau da juniors: 079 945 87 14 Fin d'annunzia:

Dumengia, ils 18 d'avrel 2021 Il cau dils juniors *Simon Lechmann*